

TARIKH : 24 MEI 2025
AKHBAR : Utusan Malaysia
MUKA SURAT : 4

[KEB] 24/05/2025 : Utusan Malaysia (ms 4) Transformasi Ekonomi Bumiputera tidak boleh sekadar hiasan kabinet

4

Utusan Malaysia
SABTU • 24 MEI 2025

Dalam Negeri

Transformasi Ekonomi Bumiputera tidak boleh sekadar hiasan Kabinet

Oleh MAISARAH SHEIKH RAHIM
utusannews@mediamula.com.my

PUTRAJAYA: Timbalan Perdana Menteri, Datuk Seri Dr. Ahmad Zahid Hamidi berpandangan impak yang dijanjikan daripada Pelan Transformasi Ekonomi Bumiputera 2035 (PuTERA35) masih belum dirasai oleh masyarakat.

Beliau yang juga Menteri Kemajuan Desa dan Wilayah turut mempersoalkan sama ada agenda daripada pelan berkenaan telah benar-benar digarap.

"Alhamdulillah daripada kongres lalu, kita lahirkan satu pelan bersejarah PuTERA35 sebagai peta jalan baharu untuk memperkukuh kedudukan Bumiputera dalam ekonomi negara.

"Namun sejujurnya saya ingin bertanya adakah kita benar-benar telah menggarap agenda itu? Adakah impak yang dijanjikan sudah dirasai oleh masyarakat? Jika tanya saya, belum lagi," katanya pada Sesi Per-



AHMAD Zahid Hamidi ketika hadir pada Majlis Sesi Permukiman Setahun Selepas Kongres Ekonomi Bumiputera 2024 (KEB 2024) di PICC, Putrajaya. - UTUSAN/FAISOL MUSTAFA

mukiman Setahun Selepas Kongres Ekonomi Bumiputera (KEB) 2024 di Pusat Konvensyen Antarabangsa Putrajaya semalam.

PuTERA35 yang dilancarkan

pada 19 Ogos 2024 adalah satu kerangka tindakan holistik untuk memperkukuh ekonomi bumiputera dalam tempoh 10 tahun akan datang.

Susulan itu, Ahmad Zahid mahu satu anjakan serius dilakukan agar hasrat besar KEB dapat diterjemahkan menerusi 132 ikhtiar di bawah PuTERA35.

"Saya mahu ia diberikan ketumpukan penuh dan mesti ada keberhasilan. Kita perlukan garis masa yang jelas. Kita tidak boleh lagi terperangkap dalam retorik tanpa kesudahan.

"Apabila saya melihat status pencapaian semasa saya dapati masih banyak yang belum digerakkan. Ini adalah dasar kerajaan jadi ia perlu menjadi kerangka utama bagi semua kementerian, bukan hanya Kementerian Ekonomi atau KKDW. Semua kementerian, tanpa pengecualian, mesti memainkan peranan aktif seperti yang telah diaspirasikan," katanya.

Justeru, beliau mengarahkan supaya Timbalan Ketua Setiausaha (Dasar) di setiap kementerian untuk menyelaras dan memantau pelaksanaan PuTERA35.

Katanya, peranan tersebut

akan diperkukuhkan oleh Unit Pemerkasaan Bumiputera (UPB) yang harus distruktur semula mengikut kesesuaian masa kini.

Pada masa sama, Ahmad Zahid juga mahu peranan syarikat berkaitan kerajaan (GLC) dan syarikat pelaburan berkaitan kerajaan (GLIC) yang lebih strategik.

"Saya menyeru agar semua GLC, GLIC dan entiti korporat strategik tampil sebagai rakan pelaksana utama. Perdana Menteri (Datuk Seri Anwar Ibrahim) telah beri mandat yang jelas, GLC dan GLIC mesti melahirkan lebih ramai usahawan bumiputera dan memperluas rantai nilai mereka," ujarnya.

Sebagai langkah ke hadapan, Ahmad Zahid mengumumkan bahawa Sesi Permukiman Kongres Ekonomi Bumiputera akan dijadikan sebagai acara tahunan tetap bagi melonjak semula agenda pembangunan bumiputera secara kolektif, merentas semua kementerian, agensi dan sektor.

TARIKH : 24 MEI 2025
AKHBAR : Kosmo
MUKA SURAT : 7

[KEB] 24/05/2025 : Kosmo (ms 7) PuTERA35 bukan sekadar hiasan fail dalam kabinet - Ahmad Zahid

PuTERA35 bukan sekadar hiasan fail dalam kabinet – Ahmad Zahid

PUTRAJAYA – Timbalan Perdana Menteri, Datuk Seri Dr. Ahmad Zahid Hamidi berpancangan impak yang dijanjikan daripada Pelan Transformasi Ekonomi Bumiputera 2035 (PuTERA35) masih belum dirasai oleh masyarakat.

Beliau yang juga Menteri Kemajuan Desa dan Wilayah itu turut mempersoalkan sama ada agenda daripada pelan bagi memperkukuh kedudukan Bumiputera dalam ekonomi negara telah benar-benar digarap.

"Adakah impak yang dijanjikan sudah dirasai oleh masyarakat? Jika tanya saya, belum lagi. PuTERA35 yang dihasilkan tidak boleh hanya menjadi hiasan dalam fail kabinet, tuan-tuan puan-puan.

"Ia adalah komitmen nasional untuk memperkukuh penyeritaan, pemilikan dan penguasaan ekonomi oleh Bumiputera. Tetapi jika komitmen ini tidak diterjemahkan kepada tindakan, maka kita hanya membazir masa dan kepercayaan rakyat," katanya sempena Sesi Perมุukiman Setahun Selepas Kongres Ekonomi Bumiputera (KEB) 2024 di Putrajaya semalam.

PuTERA35 yang dilancarkan pada 19 Ogos tahun lalu adalah



AHMAD ZAHID pada Majlis Sesi Perมุukiman Setahun Selepas Kongres Ekonomi Bumiputera 2024 di Putrajaya, semalam.

satu kerangka tindakan holistik untuk memperkukuh ekonomi bumiputera dalam tempoh 10 tahun akan datang.

Susulan itu, Ahmad Zahid mahu satu anjakan serius dilakukan agar hasrat besar KEB dapat diterjemahkan menerusi 132 ikhtiar di bawah PuTERA35.

"Saya mahu ia diberikan keutamaan penuh dan mesti ada keberhasilan. Kita perlukan garis masa yang jelas. Kita tidak boleh lagi terperangkap dalam retorik

tanpa kesudahan.

"Apabila saya melihat status pencapaian semasa saya dapati masih banyak yang belum digerakkan. Ini adalah dasar kerajaan jadi ia perlu menjadi kerangka utama bagi semua kementerian, bukan hanya Kementerian Ekonomi atau KKDW," ujarnya.

Justeru, beliau mengarahkan supaya Timbalan Ketua Setiausaha (Dasar) di setiap kementerian untuk menyelaras dan memantau pelaksanaan PuTERA35.



Scanned with CamScanner

[KEB] 24/05/2025 : Berita Harian (ms 13) Usah jadikan PuTERA35 hiasan dalam fail kabinet

Beliau berkata, ia juga seiring dengan mandat Perdana Menteri, Datuk Seri Anwar Ibrahim yang mahukan GLC dan GLIC melahirkan lebih ramai usahawan Bumiputera dan memperluaskan rantai nilai mereka.

24/05/2025 : Berita Harian (ms 13) BNM ada banyak ruang turunkan kadar faedah

BISNES

BNM ada banyak ruang turunkan kadar faedah

**Ahli ekonomi
sifatkan data
DOSM cerminkan
persekitaran
inflasi domestik
stabil**

Oleh Mohd Zaky Zainuddin
zaky@bh.com.my

Bank Negara Malaysia (BNM) dilihat mempunyai ruang untuk melonggarkan dasar monetari dengan menurunkan kadar faedah selepas data Indeks Harga Pengguna (IHP) April menunjukkan tekanan inflasi domestik kekal terkawal, demikian menurut Hong Leong Investment Bank Bhd (HLIB).

Data terkini Jabatan Perangkaan Malaysia (DOSM) menunjukkan inflasi keseluruhan kekal pada kadar 1.4 peratus tahun ke tahun pada April, sama seperti bulan sebelumnya, sejajar dengan jangkaan pasaran.

Inflasi teras pula meningkat sedikit kepada 2.0 peratus daripada 1.9 peratus pada bulan sebelumnya.

Ahli Ekonomi HLIB, Felicia Ling, berkata data terbahan men-

cerminkan persekitaran inflasi domestik yang stabil, memberikan lebih banyak ruang kepada BNM untuk melonggarkan dasar monetari.

"Walaupun unjuran inflasi kekal pada 2.7 peratus bagi tahun ini, terdapat risiko penurunan kepada unjuran ini berikutan tekanan permintaan yang sederhana serta harga komoditi global yang lebih lemah," katanya dalam satu nota penyelidikan.

Pada mesyuarat terakhirnya, iaitu 8 Mei lalu, BNM mengekalkan Kadar Dasar Semalaman (OPR) pada 3.0 peratus, tidak berubah selama 13 mesyuarat berturut-turut sejak Mei 2023.

Kenaikan inflasi teras pada April dipacu oleh peningkatan dalam perumahan, utiliti dan bahan api kepada 2.0 peratus tahun ke tahun, serta penjagaan peribadi yang melonjak 4.1 peratus.

Sebaliknya, kos komunikasi terus menyusut, tetapi dalam kadar lebih perlahan, iaitu 4.5 peratus berbanding 5.4 peratus pada Mac.

Indeks pengangkutan pula kekal stabil pada kadar pertumbuhan tahunan 0.7 peratus, disokong penurunan kecil dalam tambang pengangkutan awam dan pertumbuhan sederhana dalam kos operasi kenderaan persendirian.

Inflasi makanan turut mereda

kepada 2.3 peratus, didorong penurunan lebih besar dalam harga sayur-sayuran dan produk tenusu.

Inflasi 'makan di rumah' dan 'makan di luar' kedua-duanya mencatat penyusutan kecil berbanding bulan sebelumnya.

Kenaikan inflasi teras

Dari segi bulanan, IHP keseluruhan meningkat sedikit sebanyak 0.1 peratus pada April, disumbangkan oleh kategori seperti maklumat & komunikasi, penjagaan peribadi, serta perumahan dan rekreasi.

Mengikut data DOSM, inflasi perkhidmatan meningkat sedikit kepada 2.1 peratus, didorong kos penjagaan peribadi lebih tinggi. Sementara itu, inflasi untuk restoran & hotel, serta perkhidmatan kewangan kekal stabil.

Menurut HLIB, kenaikan sederhana dalam inflasi teras turut disokong oleh peningkatan dalam kategori perumahan, utiliti dan bahan api (2.4 peratus) serta penyusutan lebih perlahan dalam kos komunikasi.

Bank pelaburan itu menjangkakan pertumbuhan Keluaran Dalam Negara Kasar (KDNK) Malaysia akan menyederhana kepada 4.0 peratus tahun ini, turun daripada 5.1 peratus pada 2024, sejajar dengan unjuran permintaan yang lebih perlahan.

"Tambahan pula, kadar pertukaran ringgit dijangka purata pada RM4.35 berbanding dolar Amerika Syarikat (AS) sepanjang tahun ini, berbanding purata RM4.57 tahun lalu, sekali gus menunjukkan potensi kestabilan nilai mata wang tempatan," kata HLIB.

